



KOMUNIKADO DI PRENSA

Willemstad, 21 di april 2022

TARIFA DI GASOLIN, DIESEL, ELEKTRISIDAT I AWA TA SUBI

WILLEMSTAD – Entrante djamars 26 di april 2022 e tarifa regulá di gasolin i diesel ta subi na Kòrsou. Tambe e tarifa di elektrisidat i awa ta subi entrante djadumingu 1 di mei 2022. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káلكulo tarifa produktonan kombustibel

E káلكulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa mei 2022, en prinsipio ta basá riba e reserva di kombustibel disponibel pa final di mart 2022.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferencia entre e preis di kompra regulá i e montantenan di kompra real, di forma retroaktivo via e elemento 'Sùrplùs/Défisit'.

E tarifa usuario final pa Mogas 95 ta subi komo konsekuensha di un oumento leve den e preis di kompra i un oumento fuerte den e korekshon di komponente Sùrplùs/défisit. E último akí ta bini prinsipalmente dor di prosesamentu ainda di e pa mitar parti di e oumentu realisá di e preis di kompra di luna pasá. E tarifa pa usuario pa LSD ta subi prinsipalmente komo konsekuensha di un oumentu fuerte den e preis di kompra ku ta den liña ku e kotisashon internashonal (Platts). Pa evitá un fluktuashon di tarifa ainda mas grandi pa LSD di gòlpi, lo realisá e oumentu di e preis di kompra den dos stap mediante un korekshon negativo den e komponente Sùrplùs/défisit. Tambe pa LSD ta konta solamente pa e parti mitar di e oumento realisá pa e preis di kompra di luna pasá ku aún aktualmente ta prosesá. Pa sigui mitiga e oumento di preis pa Mogas i LSD a skohe pa e défisitnan di lunanan ku a pasa pa ekstendé nan ofer di mas luna. E medidanan di mitigashon sinembargo aún lo mester wòrdu korigí den e próksimo lunanan.

Káلكulo tarifa awa i koriente

E káلكulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di



koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes. Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di mei 2022. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di mart 2022.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depreciashon, etc.

E oumento di tarifa pa elektrisidat i awa ta resultado di e promedio di kostonan di kombustibel mas haltu pa produkshon di elektrisidat respektivamente kostonan di elektrisidat mas haltu pa produkshon di awa, e produkshon miksto pronostiká i un faktor di korekshon mas abou ofer di mart 2022.

Aprobashon i fihamentu

BT&P ta asesorá Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.